



Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XI. Florentiæ, domus ab co[m]parente S. Ignatio incendio liberatur.

urn:nbn:de:hbz:466:1-10840

X I.

*Florentia,
domus ab eo-
parente S.
Ignatio in
cendio libe-
ratur.*

Anno huius saeculi primo. Februarij 26. Florentiae subitus ignis cuiusdam aedes corripuit, nox erat media, ventus praeludus spargebat incendium in alias aedes, iamque ad Donatum Francicum Galligium pertigerat. Ergo is quicquid erat domi pretij alicuius, in turum eiicere; post in edita aedem scandere, volaturus inde cum aqua, & accitis fabris, quo periculum proprius vocasset. At ecce tecto septem iam orgyis flamma superior; tectum ipsum viuis instratum carbonibus, & impluente a flatu, & incendio fauilla; quodque his terribilius; incusus impetu in os vapor, non opitulandi modo spem, sed spirandi praeccludens. Quare in genua prouolutus, appressisque in crucem pectori brachiis, tutelares suos Ignatium, & Xauerium largo fletu in auxilium aduocat, spondens fore, si domum ab igne defendiscent, nunquam se diuinæ maiestatis offensam admissurum. Sub qua mox sublimes in aere ambo videt, duabus inter se distantes expeditis Ignatium vero haec sibi dicentem: Abi modo, voti compos futurus. Ad haec flammæ graflantes momento subsidere, recondi aedibus quas corruperant, tandemque absumi, Donati domo quam circum obfederant vnde illibata.

X II.

*Hispani mu-
lier ab incen-
to septenni
liberata.*

Hispani mulier septimum iam annum consueuerat incubo, hominis speciem induito, cuius denique horrore flagitij tacta, exosaque amores belluinos, adit e nostris Sacerdotem, cuius instructa, & corroborata monitis domum reddit, confessionem serio paratura. Redeunti occurrit eremita, qui defixo in eam obtutu, similis miserenti, quærit vnde is animi eius moror, cuius in fronte indicia legeret? mulier arbitrata hunc esse quem vestis simulabat: ecquid tibi, ait, curatio est, tristis siem an lata? Tua, infert dæmon, causa, id quæro, tuo enim bono studio plus quam putes. Adsum Roma nunc recens, vnde mecum thesauros porto, efficacissimæ veniæ sub horam mortis obtainendæ. Felicem te! potes pergendo, ut haec tenus, tam esse nihilominus secura beatæ mortis, & salutis, quam ipse sum, qui me tamen hac vita quam vides, & habitu macero. Credis stulta, tuis te recte factis, non sola Dei misericordia seruandam? plurisque apud illum tuas lacrymas fore quam eius sanguinem? mitte quæso nunc, de sacerdotibus, & confessione esse sollicita, viue sis, ut maximè lubitum, tantum Dei confide bonitati, alia omnia arrogantiæ deputa. Sensit hic mulier, Deo mente illius aduertente, nec esse hunc hominem, qui nosset, quæ vni mortalium confessario explicarat; nec bonum genium qui scelerata suaderet. Implorata Dei ope, iubet facessere, aiens palam abunde sibi factum, quemnam heremite larua contegeret, ad quæ ille mutato stylo, qui vero ego sim, & scies, & longè aliter quam reris senties. Tuas ego turpidines vulgabo, & faxo præter infamiam quæ te inde sequetur, ut etiam viua comburaris. Quibus dictis repente dilapsus est. Metum inter, & conscientiæ lanienam confusa, & afflcta mulier, ad confessarium refugit, domum pergere non ausa: intentari illi has minas a dæmone terrendi gratia confessarius docuit, nec esse illas in eius potestate, sed ab eo id agi, vt

metu